

մի գիւղ է, որի միջով հոսում է մի մեծ առու, որը ոռոգում է Խունկի գաղտավայրերը, որոնք փուլած են արևելեան, հիւսիսային և հարավային կողմերում: Գիւղը բաժանւում է երկու թաղամասի. առաջին թաղը բաղկացած է միմեանցից հեռու ընկած եօթը տներից, որոնք փուլած են առւի հարաւ-արևմտեան կողմը, մի բլրի փէշին, իսկ երկրորդ թաղը բաղկացած է 57 տնից, որոնք շինւած են կողք-կողքի և գտնւում են առւի արևմտեան—արևելեան կողմում: Սրա կողքին երևում են հին աւերակների մնացորդներ: Այժմ ազգաբնակչութիւնը բաղկացած է 64 տնից 410 շնչով, որի 215-ը արական է և 195-ը իգական. նրանք գաղթած են Հին—Չուղա գաւառի Աբցխա գիւղից 1606 թւին, Շահ-Աբբասի ձեռքով. պարապում են գլխաւորապէս հողագործութեամբ: Խմելու ջուրն աղբիւրի է, որոնք բղխում են առւի փէշերից և հանդարտ քջքջալով վազում են գէպի առուն:

Գիւղն պատկանում է եօթը կալւածատէրերի, որոնք են Հասան-Սուլթան, Խանբաբա, Մահմուտ, Ալի-Մահմէտ, Աբգիւլ-Հօսէյին, Ջոհրաբ և Ալի: Գիւղացիներից միայն երեք տուն հող ունեն, հողագուրկները մշակում են աղաների հողերը, որից ստացւած բերքի $\frac{1}{3}$ մասը տալիս են նրանց. մօտաւորապէս տարեկան 515 բեռ ցորեն են տալիս, բացի այդ վճարում են նաև 50 թուման աղաներին և 100 թուման էլ պետութեան՝ իբրև հարկ:

Հողը մեծ մասամբ ջրովի է. հերկում են արօրով: Տեղական բերքերն են ցորեն, գարի, հաճար, կտաւահատ, արևածաղիկ և այլն: Գիւղում կայ Ս. Գէորգ եկեղեցին, որի բակում գտնւում է խալիֆայական գալրոցը, ուր սովորում են 20-ից աւելի աշակերտներ:

Որովհետև այս գիւղը շրջապատւած է լճական և խանական գիւղերով, ուստի յաճախ է ենթարկւում լճերի և ինքնիշխան խաների յարձակմանը. նրանք իւրաքանչիւր աշնան և ձմրան մտնում են գիւղ և 5—600 թումանի վնաս են տալիս խեղճ գիւղացիութեանը: Որպէսզի դրանց մասին որոշ գա-